

INTERNACIA FERVOJISTO
1993.3

45a eldonjaro

Dumonata fervojfaka
revuo en Esperanto
kaj organo de
Internacia Fervojista
Esperanto-Federacio.

Redakcio:

E Henning Olsen,
Åderupvej 182,
DK-4700 Næstved.
Tel +45 53 72 73 77.

INTERNACIA FERVOJISTA
ESPERANTO-FEDERACIO

Sekretario:

D-ro Romano Bolognesi,
Via Misa 4,
I-40139 Bologna.

Kasisto:

Henning Hauge,
Banegårdsplassen 14,
DK-9700 Brønderslev.

Dana poŝteĉkonto:

I 25 80 36, IFEF,
Banegårdsplassen 14,
DK-9700 Brønderslev
(pagante per poŝteĉ-
konto el eksterlando
aldonu 15 DKK por
poŝtelŝpezoj).

Dana bankkonto:

7353-350550, Den Danske
Bank, DK-9800 Hjørring
(pagante per bankkonto
aldonu 25 DKK por bank-
elspezoj).

Sviza bankkonto:

471-02, Thurgautsche
Kantonalbank,
CH 8590 Romanshorn.

Sviza poŝteĉkonto:

CH 85-4110-5
Frauenfeld, IFEF,
Banegårdsplassen 14,
DK-9700 Brønderslev.

Redaktofinio por la
venonta IF: 10.07.1993

Presejo:

Geflon Tryk Næstved A/S

Koncize el kelkaj eŭropaj fervojoj

Finnlando (VR). Inter Helsinki kaj St.Petersburg ekde 1992 trafikis nun finna trajno "Sibellus" (ĝis nun nur unu rusa trajno).

Nova sistemo "Duetto" por rezervado de lokoj kaj vendado de biletoj estis instalita en 1991 kaj plifortigita en 1992. Fine de 1992 laboris 241 tiaj mendejoj, el ili tri en Ruslando.

Oni decidis mendi novajn trajnojn de la tipo "Pendolino" por la grandrapida trafiko. La vagonkestoj de tiu trajnspeco aŭtomate kliniĝas en kurboj. Tio ebligas pli grandan rapidon (ĝis 30% da plimalaltiĝo de la vojaĝtempo), sen ke necesas investi multe da mono por ŝanĝi la infrastrukturon.

Svedio (SJ). La grandrapida trajno X2000 (tipo Pendolino) sukcese trafikis inter Stockholm kaj Göteborg (456 km), ĝi bezonas 2 horojn kaj 59 min. En ĝi ne ekzistas unua kaj dua klasoj, sed la veturprezo dependas de diversaj servoniveloj, ekz. kompleta manĝaĵo en la biletprezo.

Inter Stockholm kaj Luleå (1140 km) trafikis vagono kun kinejo, bone frekventita, 85% da vizitantoj estas sub 45 jaroj.

Norvegio (NSB). Konsiderinda plifortigo de la trafiko kun la kontinento: 1989 = al Germanio (DB) = 31000 t, de DB = 46000 t, en 1992 (ĝis aŭgusto) al DB = 83000 t, de DB 72000 t.

Nova elektra rapidtrajno (motorvagono, du mezaj kaj vagono kun kondukistoj) trafikis sur du ĉefaj linioj.

Danio (DSB). La granda akcepthalo de la ĉefstacidomo Kopenhago, kiu estas 81 jarojn aĝa, nun estas modernigita. Ĝi fine konsistis el 4 "konstruaĵoj" el vitro kaj ŝtalo, kiuj enhavos 25 vendejojn, kioskojn kaj restoraciojn.

Luksemburgio (CFL). Oni refunkciigis la linion inter Esch-sur-Alzette (L) kaj Audun-le-Tiche (F), por malŝargi la ŝoseon inter la du diverslandaj lokoj, kie trafikis 13000 personaŭtomobiloj tage. La linio estis malfunkciigita en 1939 por persontrajnoj, en 1987 por vartrajnoj. La koston transprenas CFL.

Francio (SNCF). Oni diskutigas la projekton de tielnomata "re-laŭtoŝoseo" inter Lille kaj Avignon. Ĝi antaŭvidas la konstruadon de 4 liniosekcioj kaj 5 stacioj en Lille, Paris, Dijon, Lyon kaj Avignon. Oni planas, ke ĉiujn 10 minutojn trafikos trajno 750 aŭ 1500 m longa, kiuj transportos nur kamionojn. Ĉiutage tio ebligus transporti 30000 kamionojn en ĉiu direkto, laŭ plano ekde la jaro 2000.

El "Die Deutsche Bahn" 2/93 Giessner



INTERNACIA FERVOJISTO

1993.3



Redaktora babilo

La ĉijara IFEF-kongreso okazos en junio, do malpli frue ol ordinare. Tio donus al la redaktoro pli da trankvilo dum la laboro pri n-ro 3, kiu se eble atingi la legantojn antaŭkongrese. Ĉu vi, leganto, konas la situacion, ke disponblas pli da tempo ol la kutima, kaj ke la rezulto estas sama aŭ eĉ pli da streĉo fine de la laboro? Mi spertis!

Pro tio mi petas vin akcepti tiun ĉi numeron kun sama aŭ plia indulgo ol la ĝisnuna.

Nepre legu ... ĉion, sed urĝas legi pri nia 45a IFK, pri la agadplano de IFEF kaj pri la kongrespropono de la estraro, ĉar ili ĉiuj rilatas al la kongresa laboro. Poste vi povos trankvile kaj zorge encerbigi la ceteran materialon.

Listo de 'Esperantaj kongresoj kaj internaciaj renkontiĝoj 1993' aperis en Heroldo de Esperanto. La listo ampleksas 243 aranĝojn, kio estas nombro, kiun ni kun fiero povas komuniki al tiuj skeptikuloj, kiuj opinias la Esperanto-movadon sensignifa aŭ eĉ ridinda. Kompreneble ne temas pri fervojistaj aranĝoj, sed mi juĝas, ke en pli ol duono da ili partoprenis/os fervojisto-esperantisto. Postulato, jes sed ĝojiga, se vero.

Bonan someron nordhemisfere kaj agrablan partoprenon en esperantistaj renkontiĝoj.

Red



Jaromir Řebeeck

Nia jubileanto.

Kun ĝojo mi skribas ĉi tiujn liniojn anoncanta al vasta fervojista-esperantista publiko, ke la 20an de marto ĉijare festis sian 85jaraĝon honora membro de IFEF Inĝ. Jaromir ŘEBEČEK (CZ).

Sinjoro Inĝ. Řebeeck dum sia multjara aktivado por la esperanta-fervojista movado reprezentas modestan kaj diligentan esperantiston, kiu neforgeseble skribas sian nomon en la historion de la movado. Kaj ankoraŭ nun, kiam ajn ebligas tion lia sanstato, li helpas al Terminara komisiono de Fervojista sekcio de Ĉeĥa Esperanto-Asocio kun kontrolo de fakaj terminoj por preparo de eldono de ĉeĥa - esperanta fervojista terminaro.

Mi deziras al li okaze de lia naskiĝdatreveno multe da sano kaj kontenteco.

Ladislav Kovař

Al la bondeziroj IFEF tutkore alkreĉiĝas. Red

Frontpaĝo: Partoprenintoj de la fondkunveno de ĉina fervojista Esperanto-Asocio

Enhavo:

Řebeeck 85jara	34	Terminaro de MÁV	42
45a IFK	35	Kasigo en trajno	43
Agadplano	36	Turismaj Tagoj	44
Kongrespropono	37	Divido de ČSD	45
Listo de fakaj prelegoj	38	Seminario en Pardubice	45
Vaporo en Pollando	39	Fondiĝo ČFEA	46
Fervoja konstruado en Ĉinio	40	Ĝenerala kunveno SAEF	46
Italaj rapidtrajnoj	41	Ni funebros	47
Recenzo: Trafiko	42	Novaj poŝtkodoj en D	47
		Koncize el diversaj fervojoj	48



45a Kongreso de Internacia Fervojista Esperanto-Federacio (IFEF)

6a-12a de junio 1993 en CERVIA, Italio

Adreso: 45a IFEF-kongreso, Via de' Poeti 5/2, I-40124 Bologna

Poŝtkonto: 19336403; IFEA, Via de' Poeti 5/2, I-40124 Bologna

Bankkonto: 31308, IFEA ĉe BNC, Bologna - Stazione Centrale

Se vi atente legis la antaŭajn numerojn de IF (kaj kiu kuraĝas konfesi, ke ne?), vi jam scias multon pri nia 45a.

Pri la programo ni tamen malkovris tre malmulton. Jen tre provizora programo:

Sabate la 5an rajtas alveni kongresanoj, kaj ili estas akceptataj kaj okazas gazetara konferenco.

Dimanĉe la 6an alvenas la plej multaj, funkcias Libro-Servo, LKK kunvenas kun estraro, kaj vespere okazas Interkona Vespero.

Lunde la 7an post Ekumena Diservo okazas la Solena Malfermo de la kongreso, komuna fotado, evt uniform-parado, kaj publika mani-festacio.

Posttagmezo unu-du kunvenoj kaj vespere la Internacia Balo.

Marde la 8an nepublika komitatokunsido kaj duontaga ekskurso A (al Ravenna) kaj vesperkoncerto.

Merkrede la 9an la plenkunsido de la komitato, kiun ĉiuj IFEF-membroj ne nur rajtas ĉeesti, sed eĉ estu instigitaj ĉeesti, ĉar dum tiu kunsido oni raportas, diskutas, proponas, decidas ktp pri la ampleksa kompleto, kiun konsistigas la IFEF-agado.

Posttagmeze faka prelego kaj komisionaj kunsidoj. Distra vespero malstreĉigas.

Ĵaŭde la 10an la tuttaga ekskurso B (al Faenza - Brisighella). Post reveno al la kongresur-

bo okazas kunveno "Urbo - Fervojo - Esperanto".

Vendrede la 11an pliaj komisionaj kunsidoj, la 46a IFK prezentas sin, pliaj fakaj prelegoj kaj aktualaĵoj, forumo "Movadaj Aferoj", kaj Folk-lora Vespero.

Sabate la 12an lastaj kunsidoj kaj duontaga ekskurso C (al Gradara). Kongresfermo kaj adiaŭa vespero.

Dimanĉe la 13an ĝis marde la 15an okazas por tiuj feliĉuloj, kiuj havas sufiĉe da feriotagoj, mono kaj forto, tritaga Postkongreso kun restado en Cervia - eĉ en sama hotelo - kaj kun tri interesaj ekskursoj. Sed pri tio vi ja jam estas plene informitaj, ĉar vi atente legis ...!

Poŝtaĵoj

Speciala poŝta stampo estos uzita en la kongreso. Jen ne tro perfekta represo de ĝia aspekto:



Krom tio la poŝtoŭficejo de Cervia dum 20 tagoj antaŭ kaj dum la kongreso uzos jenan stampon sur ĉiuj poŝtaĵoj:



Agadplano

Dum la 44a IFK en Münster la laborgrupo pri laborplano, konsistanta el prezidanto, kasisto kaj redaktoro de IFEF, promesis prezenti skizon aŭ proponon de agadplano kadre de la laborplano.

La prezidanto ellaboris la ĉi-suban proponon, kiun aprobis la laborgrupo kaj eĉ la IFEF-estraro kiel bazon de plua diskuto kaj trakto.

Ni jen prezentas la proponon al la IFEF-membraro. Bonvolu atente legi kaj formi vian starpunkton, por ke ni dum la 45a IFK en Cervia havu fruktodonan diskuton pri la ideo kiel tutaĵo, kaj pri la detaloj de la enhavo.

Agadplano. Propono.

IFEF havas bonan laborplanon, kiu sufiĉe detale skizas la devojn kaj labortaskojn de la centraj organoj de la federacio, de la landaj asocioj kaj de iliaj lokaj grupoj kaj fine de la komisionoj kaj komisiitoj. Tiu plano estas taŭga helpilo por ĉiuj niaj instancoj kaj montras la ĝeneralajn trajtojn de nia aktiveco sur la diversaj laborkampoj.

Sed la plano estas ĝenerala kaj sen dinamiko. Ĝi ne entenas konkretajn celojn por difinitaj tempoperiodoj. Bone ĝi priskribas la laborkampojn de nia organizo, sed ĝi ne kvante indikas per ciferoj, kion la organizo planas atingi dum ekzemple la venonta jaro. Tial ĝi ankaŭ ne estas instigilo, kiu devigas la instancojn kaj la opajn funkciulojn de nia federacio kaj ĝiaj landaj asocioj aktive kaj celtrafe labori por plenumi antaŭe fiksatajn konkretajn celojn. Laŭ la opinio de la estraro IFEF bezonas tian instigilon kaj tial proponas enkonduki formon de la regad sistemo nomita celregado.

Celregado estas gvidmetodo, kiun utiligas multaj entreprenoj kaj ankaŭ organizoj por plibonigi siajn rezultojn. La principo de celregado estas fiksi konkretajn celojn por la aktiveco por difinita tempoperiodo, validajn por la tuta organizo aŭ por partoj aŭ sekcioj de ĝi. Ofte temas pri ekonomiaj celoj aŭ pri celoj por produktadkvanto, sed la sistemo povas esti

aplikita por ĉiuj specoj da celoj, kiuj iel estas kvanteblaj. Aktualaj tempoperiodoj povas esti ekzemple semajno, monato, duonjaro, jaro. Ofte oni elektas jaron, ĉar tiam estas facile ligi la celfiksadon al budĝeto.

Dua kaj same grava parto de la metodo estas kurante kompari la rezultojn, atingitajn dum periodo, kun la celoj fiksataj por la sama periodo. Per tiu konstanta kontrolo de la rezultoj de la aktiveco la respondeculoj ĉiam povas scii, kiel funkcias la entrepreno aŭ la organizo. Se la rezultoj ne estas kontentigaj kaj laŭ la planoj, la gvidantoj tuj devas fari la necesajn streĉojn por efikigi la laboraktivecon, tiel ke la celoj povas esti atingitaj. Per tia konstanta fokusado al la celoj, la gvidantoj estas devigitaj streĉe labori por plenumi siajn promesitajn celojn.

Multaj entreprenoj kaj organizoj enkondukis tian sistemon kun sukceso. La estraro tial proponas ke IFEF kiel provo apliku simplan formon de celregado. Per tio ni esperas firmigi la gvidadon de la opaj landaj asocioj kaj de IFEF ĝenerale. La landaj asocioj mem devas decidi ĉu ili deziras praktiki ĝin por siaj lokaj grupoj kaj kluboj.

La estraro proponas enkondukon de la sistemo ek de 1994. Ni opinias ke estas praktike ligi ĝin al la nuna raportsistemo. Fine de 1993 la landaj asocioj ellaboros planojn kaj fiksos celojn por 1994. La celfiferoj por 1994 estos raportitaj al IFEF kiel parto de la raporto pri 1993. Surbaze de la planoj de la landaj asocioj la vicprezidanto ellaboros totalan planon por IFEF kaj prezentos ĝin por traktado dum la venonta kongreso.

Raporton pri rezultoj atingitaj la landaj asocioj prezentos al IFEF en la raporto pri 1994 kaj samtempe enmetos celojn por 1995. Se la spertoj je tiu tempopunkto estos kontentigaj ni daŭrigos laŭ la sama sistemo.

Ni proponas ke ni dum la provperiodo planu kaj fiksi la celojn por ĵonaj aktivecoj:

Membronombro

Nombro de jaraj paĝoj de la landa organo
Nombro de elsendotaj broŝuroj
Nombro de elsendotaj afiŝoj
Nombro de prelegoj prezentotaj
Nombro de ekspozicioj montrotaj
Nombro de estrarkunveno
Nombro de membrakunvenoj kaj aliaj aranĝoj por membroj
Nombro de kursoj aranĝotaj. Supozota nombro de lernantoj
Budĝeto. Enspezoj atendotaj

Budĝeto. Elspezoj atendotaj
Budĝeto. Ekonomia rezulto

La intenco de tiu celfiksado estas aktivigi ĉiujn gvidantojn de nia federacio. La sistemo mem ne kreas rezultojn, sed ĝi espereble povos helpi la gvidantojn kompreni la gravecon de nelacigebla aktiveco. Dependas nur de ni mem, ĉu la metodo donos la rezultojn atendo-tajn.

Hamar, 24.02.1993

P. Engen

La estraro prezentas jenen kongresproponon

Pro neeviteblaj kaŭzoj necesas kunigi Terminaran Komisionon kaj la Fake Aplikan Komisionon sub unueca gvidado. La nomo de la estonta komisiono estu "Faka Komisiono" (FK).

La gvidantaro konsistu el la gvidanto kaj po unu sekretario por terminaraj kaj fake aplikaj aferoj. Krome estu redaktoro de Terminara Kuriero. La FK estu konstituata en la unua laŭ kongresprogramo okazonta komisiona kunsido de la 45a IFK.

Komentario:

Ambaŭ komisionoj estas sen gvidantoj kaj momente komisie estas gvidataj.

– La gvidanto de TK, Dieter Hartig, pro sanecaj kaŭzoj ne plu povos plenumi tiun taskon.

– La gvidanto de FAK, d-ro Petro Chrdle, ne plu estas fervojisto.

Deklaris sin pretaj kvar kolegoj transpreni la necesajn oficojn, nome:

- kiel gvidanto d-ro József Halász (H),
- kiel sekretario por terminaraj aferoj d-ro Heinz Hoffmann (D),
- kiel sekretario por fakprelegaj aferoj inĝ Ladislav Kovač (CZ)
- kiel redaktoro de la Terminara Kuriero (Te-Ku) Dieter Hartig (D).

La elektoj okazis en la 45a IFK kaj validu ĝis la venonta laŭstatuta elektado.

Post la 45a IFK estos adaptataj la IFEF-statuto kaj la regularoj al la nova situacio.

Kaŭzigo por malfrua prezentado de tiu ĉi kongrespropono:

Ne eblis trovi definitivon solvon en la pasinta jaro, sekve ne eblis prezenti la kongresproponon antaŭ 31.12.1992. Aliflanke ekestus tre malagrablaj sekvoj, se oni prokrastus la pri-trakton ĝis 1994. Tial la estraro prezentas ĝin nun laŭ paragrafo 22, al 2) kaj petas konsenton de la komitato.

Ĝenerala Asembleo

de UAIFR (la rumana sekcio de la Internacia Fervojista Federacio por Kulturo kaj Libertempo FISAIC) okazos kune kun la Jerkunveno de REFA la 17an-19an de septembro 1993 en BRAŠOV. Pri tiu vidu IF 1993.2 paĝon 29.

FERVOJA KORESPONDA SERVO

S-ro Germano GIMELLI, Via Creti 61, I-40128 BOLOGNA, Italio.

Se vi deziras utiligi la servon, bonvolu indiki viajn nomon, aĝon, adreson, en kiuj landoj vi deziras korespondant(in)on, kaj pri kiaj temoj ktp.

Listo de fakaj prelegoj kolektitaj per Fake Aplika Komisiono

1. La mekanikigo de la pecaj manipulado.
J.J.Labordus,
1966, FP - 18a IFEF-kongreso
Utrecht.
2. Skribaj ordonoj al trajnoj kaj substitui
metodoj.
J. Giessner,
1967, FP - 19a IFEF-kongreso
Fulda.
3. Modernigo de Jugoslavaj Fervoj.
Ing. L.Sekereš,
1971, FP - 23a IFEF-kongreso
Maribor.
4. La Gothardo-fervojo.
A.Eggermann,
1972, FP - 24a IFEF-kongreso
Lugano.
5. DSB kiel ŝipkompanio.
G.Thuesen,
1973, FP - 25a IFEF-kongreso
Aarhus.
6. Integra transporto.
Ing. L.Sekereš,
1973.
7. Evoluado de R.E.N.F.E. dum la lasta
jardeko.
J.Anglada Prior,
1974, FP - 26a IFEF-kongreso
Tarragona.
8. Aŭtomobil-Transportado tra la fervoja
tunelo inter Salzburg kaj Karintio.
Dipl.Ing. F.Tschom,
1975, FP - 27a IFEF-kongreso
Villach.
9. La sveda ercofervojo.
1976, FP - 28a IFEF-kongreso
Skellefteå.
Laŭ SJ-materialo aranĝita de
Yngve Forslund
10. La rekta fervojo inter Romo kaj Florenco.
A.De Salvo,
1978, FP - 30a IFEF-kongreso
Romo.
11. Laboratorio por magneta tekniko.
Ing. J.O.de Kat,
1979.
12. Kombinita vartrafiko kaj rolo de specialaj
entreprenoj.
Mag. G.Sredić, Mag. N.G.Narvala,
1979, FP - 31a IFEF-kongreso
Turku.
13. Fervojoj en la basaj landoj.
Ing. W.Meijnen,
1980, FP - 32a IFEF-kongreso
America (NL).
14. Trajno sen radoj.
G.Ritterspach,
1981, FP - 33a IFEF-kongreso
Regensburg.
15. La estonto de la eŭropaj kaj ene la rolo
de la hungaraj ŝtatafervoj.
I.Gulyás,
1982, FP - 34a IFEF-kongreso
Balatonfüred.
16. La rolo de la fervojo en la haveno de
Zeebrugge.
N.Vanspeybroeck,
1983, FP - 35a IFEF-kongreso
Ostende.
17. Eksterordinaraj transportoj.
G.Thuesen,
1985, FP - 37a IFEF-kongreso
Vejele.
18. Internacia transporta merkato de facile
pereemaj varoj - komuna aktiveco de
eŭropaj fervojoj en kadro de societo
Interfrigo.
Mgr. G. Sredić,
1986, FP - 38a IFEF-kongreso
Skopje.
19. 50 jaroj de elektra trakcio en Polaj Ŝtataj
Fervojoj.
Ing. J.Fortúnski, tradukis K.Strze-
lecki,
1987, FP - 39a IFEF-kongreso
Katowice.
20. Rotterdam havas fervojan tunelon.
Pinto,
1988, FP - 73a Universala Kon-
greso, fervojista kunveno, Rotter-
dam.
21. Indikoj pri Hungaraj Ŝtatafervoj (MÁV).
1988.
22. Pri fervoja reto de grandrapidaj trajnoj al
okcidento kaj sud-okcidento de Francio
(TGV -Atlantika).
1988, FP - 40a IFEF-kongreso.

23. Ĉu unutrakligi dutrakajn liniojn.
Ing. L.Sekereš,
1988, FP - okaze de seminario 25
jaroj de Esplorinstituto de ĈSD,
Pardubice.
24. Kelkaj demandoj pri movadgeometro de
la fervojo.
Ing. J.Halász,
1988, FP - okaze de seminario 25
jaroj de Esplorinstituto de ĈSD,
Pardubice.
25. Magnete swebanta inerci-rado por la
konservo kaj reuzo de la brems-energio
en trajnoj.
J.O.de Kat,
1988, FP - okaze de seminario 25
jaroj de Esplorinstituto de ĈSD,
Pardubice.
26. Fervojo kiel komunikilo je sojlo de la XXI
jarcento.
Mgr. G.Sredić,
1988, artikolo en gazeto Železnice
10/1988.
27. Esperanto - lingvo de la natursciencoj
kaj tekniko 1887-1986
D-ro O.Haszpra, G.Felsö. D-ro
D.Blake.
1988, Rotterdam, Esperanto -
Dokumentoj 25E.
28. 150a datreveno de la fervoja trafiko sur
teritorio de Ĉeĥoslovakio.
Tomišek J., Ing. J.Černý,
1988.
29. Projekto pri fervoja kunligo per internacia
ŝpuro Inter Francio kaj Barcelono.
A.L.Pita, M.T.Calvet, M.A.D.Loza-
no, tradukis M.G.Cots
1989, FP - 41a IFEF-kongreso
Salou.
30. Inaŭguro Salou.
J.Giessner,
1989, 41a IFEF-kongreso Salou.
31. Unuigitaj la konteneraj terminaloj sur la
retoj de Jugoslavaj fervojoj.
Ing. L.Sekereš,
1989.
32. La S-fervojo de Zürich.
E.Glättli,
1989.
33. La centra stacio de Oslo.
B.Holos, tradukis P.J.Krogstie,
P.Engen,
1990, FP - 42a IFEF-kongreso
Hamar.
34. Trafiko.
W.Bormann,
1992, studmaterialo por kurso dum
la 11a SUS de la Akademio In-
ternacia de la Sciencoj.

En Česká Třebová 11.3.1993
Kompilis Ing. Kovař L.

La listo estas komenciĝo de registrado, kaj ĝi
kompreneble neniel estas kompleta. Bonvolu
vi, kiu posedas aŭ priscias kromajn prelegojn,
informi al inĝ Kovař kaj - se eble - sendi 2
ekzpl al inĝ KOVAŘ L, Grégova 44, CZ-560
03 Česká Třebová, Ĉeĥio. De tempo al tem-
po ni en IF aperigos kompletajn listojn. ■

Cigna kanto de vaporo en Pollando?

Germana vojaĝagentejo IGE organizas dum la
tagoj 1a ĝis 9a de majo 1993 ekskurson al
Polaj Fervojoj kunligita kun veturoj de specia-
laj trajnoj kun vaporlokomotivoj en la ĉirkaŭa
regiono de Wolsztyn apud Poznań.

Prezentos sin tie vaporaj lokomotivoj de tipoj
Ok1, Ok22, O1 49, Tkt48, Ty2, Ty42, Ty3,
Ty45, Ty51 kaj Pt47, do la lastaj regule trak-
ciantaj vaporaj lokomotivoj en Eŭropo. Apud la
tradiciaj veturoj al Sulechów, Nowa Sól kaj

Grodzisko oni renovigos vaporan traktion sur
la linio Leszno - Zbąszynek kaj Wolsztyn -
Poznań kaj elveturos ankaŭ vartrajnoj (al Gu-
bin). Partoprenkotizo por fotografistoj estas po
80 DEM tage. Grava estas la informo de PKP,
laŭ kiu oni preparas ek de la nova fervoja
horaro 1993 sur la linioj, kie trakcias lokomoti-
voj el lokomotivdeponejo Wolsztyn fini regulan
vaportrakciadon.

J.Tomišek

Enorma fervoja konstruado transjarcenta

La konstrua projekto de fervojo dum la oka kvinjara plano estis decidita

La fervoja konstruado de Ĉinio dum la Oka Kvin-jara Plano (OKP) estas enorma konstruado. Dum la periodo de OKP Ĉinio konstruas du-trakajn liniojn je 3600 km, elektrizitajn liniojn je 5600 km, kaj konstruas nov-liniojn je 6100 km. Totale en la fino de OKP, la fervoja reto disvastiĝos ĉirkaŭ al 60.000 km. La frajta kvanto en jaro 2000 atingos 19 cent milionojn da tunoj.

La konstruado disvolvos ĉirkaŭ jenaj 6 grandaj transirejoj:

1. Fort-plene konstruu la Nord-sudan Transirejon por ligi la sudan ekonomian evoluantan distrikton kun la landinterno. La ĉefa linio estas de Pekino ĝis Kowloon (proksime al Hongkong) tra Hebei Provinco, Shandong Provinco, Henan Provinco, Hubei Provinco, Jiangxi Provinco kaj Guangdong

Provinco = entute 7 provincoj. La longeco estas 2360 km, kaj ĝi malfermiĝos al trafiko en la jaro 1997. Samtempe konstruiĝas parto de tiu linio en kvazaŭ-grandrapida sekcio, de Guangzhou al Shenzhen, kio finiĝos en la fino de 1995. (La kvazaŭ-grandrapido estas 160 km/h). Dum la tempo ankaŭ fariĝos la antaŭlaboro por konstrui grandrapidan fervojon. Krome akceliĝos la konstruado de elektrizo de Beijing-Guangzhou linio.

2. Fort-plene konstruu la Nord-okcidentan Transirejon por malfermi la Novan Azian Eŭropan Ponton.

La ĉefaj linioj estas Baoji - Zhongwei-linio kaj dutraka linio de Lanzhou ĝis Xinjiang. Ni klopodos plenumi la taskon je la fino de 1995, por kreskigi la kapablon de la trans-

porto de petrolo kaj karbo kaj salo en nord-okcidenta Ĉinio.

Ni ankaŭ reformos la Baotou - Lanzhou kaj Qinghai - Tibeto liniojn.

3. Fort-plene akcelu la konstruadon por karbo-transport-transirejojn. Tiu estas por kreskigi la transportkapablon de karbo el Shanxi Provinco, Shaanxi Provinco, kaj Interna Mongolio. Tiuĉi konstruado inkluzivas la dua-perioda konstruado de Datong - Qinhuaŝao kaj Houma - Yeshan elektrizitajn liniojn. Akcelu la fervoj-konstruadon de Jining-Tongliao kaj Zhunger-Datong linio en Interna Mongolio.

4. Fort-plene konstruu Nord-orientan Fervojon, kaj akcelu la ekonomian evoluon de tiuĉi distrikto.

La ĉefaj projektoj estas la konstruado de Harbin-Manghauili dutrak-linio, kaj Qinhuaŝao-Shenyang linio. Ankaŭ estas la reformado de Harbin-Dalian linio. La grava projekto ankaŭ estas la centra stacio de Harbin urbo.

5. Fort-plene rapidigu fervoj-konstruadon en

Sud-okcidenta Ĉinio, kontentigi la bezonon pri la ekspluato de mineraloj kaj prosperi ekonomion en Sud-okcidento.

La ĉefa estas la norda transirejo por eniri Sichuan Provinco. Rapidigu la konstruadon de fervoj-linioj, kiuj estas Daxian-Chengdu linio, Nanning-Kunming linio kaj Neijiang-Kunming linioj. Plenumu la elektrizon de Chengdu-Kunming linio, Hunan-Guizhou linio kaj Sichuan-Guizhou linio.

6. Fort-plene bon-konstruu Orientan transirejon de Ĉinio, rapide plenumi la disvastigan strategion de ekonomio de marborda distrikto.

La ĉefaj estas la konstruado de dutrakaj linioj kiel Shanghai-Hangzhou, Zhejiang-Jiangxi, Huainan (sude de Anhui Provinco) kaj Xuzhou-Lianyungang. Ĝi ankaŭ estas la elektrizo de Yingtan-Xiamen linio, kaj la konstruado de novlinioj, kiel Xinqi-Chang-Xing-Hengfeng-Nanping. Samtempe bonfari la konstruadon de Beijing Okcidenta stacio kaj ĉefaj stacioj en Hefei urbo Fuyang urbo en Anhui Provinco kaj plej granda ĉefstacio Xuzhou en Jiangsu Provinco.

(El Fervojista Esperantisto n-ro 1993.1 (T-31))

Italaj rapidtrajnoj

Elektraj unuoj de la italaj fervojoj kun pendola vagonkesto ETR 450 "Pendolino" estas uzataj trafikale en la plej luksaj trajnoj. Al la plej konataj apartenas eksprestrajnoj InterCity kun nomoj Botticelli, Carracci, Giotto, Guido Reni kaj Veronese. La unuoj Pendolino havas vagonojn de la 1a klaso kaj la pasaĝeroj devas pagi kroman plipagon.


Alia luksa trajno estas nomata laŭ historie konata vojaĝanto-esploristo Marco Polo. Ĝi konsistas el lokomotivo, ok unuaklasaj vagonoj kaj restoracia vagono. Tri luksaj vagonoj traktas el Romo al havenurbo Triesto, du vagonoj finas en Udine kaj tri vagonoj daŭrigas el Bolonjo al la norditala Bolzano.

Diference de Iuj alilandaj eksprestrajnoj la

italaj rapidtrajnoj InterCity havas pli multajn unuaklasajn vagonojn. Laŭ longo de la trajno oni povas trovi ĝis 5 unuaklasajn vagonojn, memkompreneble troviĝas restoracia vagono aŭ almenaŭ vagono kun bufeda parto. Oni povas trovi trakiantajn ankaŭ kelkajn tipojn de la plej malnovaj elektraj unuoj, kiuj eĉ nuntempe traktas per maksimuma rapido 160 km/h.

Sur la ĉefaj linioj pasaĝertrajnoj trafikis plejparte en intervalo unu aŭ du horoj kaj plimulto de la longdistancaj pasaĝertrajnoj estas proporcie pli multe uzata de la pasaĝeroj ol en Iuj aliaj eŭropaj landoj.

Esperantigis J.Tomišek



Recenzo

Dr. Werner Bormann: **La merkato de trafik-servoj** (kun subtitolo: Priskribo de la trafiko). 72paĝa kajero de formato A 5. Eldonita de la aŭtoro en Hamburg 1992. Prezo 5,- germanaj markoj.

Dr. Werner Bormann, docento ĉe Akademio Internacia de la Sciencoj San Marino kaj konata spertulo en la fako de ekonomiko kun multjaraj personaj spertoj pri trafikistemoj precipe en la regiono de Hamburgo estas certe la plej kompetenta persono por verki la prezentatan komparan analizon de la divers-specaj trafikistemoj. La verkon li skribis kiel bazon por sia kurso dum Sanmarinaj Universitataj sesioj, esencan parton prezentis la aŭtoro ankaŭ en la formo de faka prelego dum 44a IFEF-kongreso en Münster 1992.

En la verko la aŭtoro klarigas tri eblajn vojojn, kiuj povas esti uzataj por veno super la nuntempaj malfacilaĵoj en trafiko ĝenerale: intervenismo, tipa por planekonomio, subvenciado kaj esenca ŝanĝo de la strukturpolitiko kun apliko de la merkatekonomio. Post multaj ekzemploj de diversspecaj trafikrimedoj li klarigas principon de la merkatorientita modelo,

postulojn en la trafikmerkato (komprenu postulojn de la trafikaj klientoj), proponadon en la trafika sistemo (komprenu proponojn de produktantoj de la trafikteknologio kaj trafikkompanioj kiel duan flankon de la merkatsistemo) kaj priskribo de diversspecaj streboj plenumi la merkatozonojn, li finfine priskribas merkatinfluon trafikpolitikon kiel ununuran racion solvon de la nuntempa krizo en trafikaj sistemoj, kun ekzemplo de Germanio kaj aludo pri Eŭropa trafikpolitiko.

La verko estas skribita en senriproĉa stilo, sur faka nivelo, tamen bone komprenebla por la legantoj. Laŭ mi ununura manko de la verko estas malkongruo de la cititaj fontoj en la teksto mem (nur en Esperanta traduko de la titolo) kaj en la listo de literaturo fine de la verko (en originalo), kiu komplikas orientiĝon en la fontoj.

Resume eblas diri, ke la verko estas brila donaco al ĉiuj legantoj, kiuj volas en konciza, tamen integra kaj kompleta formo ekoni problemojn en trafika planado, precipe ĝiajn ekonomiajn flankojn kaj vojojn al ilia solvado.


Petro Chrdle

Nova fervoja terminaro de MÁV

Interesan kaj nekutiman trivoluman fervojan terminaron eldonis Hungaraj Ŝtataj fervojoj. La nekutimecon signifas tio, ke la terminaro estas trilingva, kiun oni povas uzi kiel tri diversajn vortarojn.

La elektitaj lingvoj estas hungara-hispana-germana. La eldonon de la terminaro kaŭzis, ke ekde 1993 Hungaraj Ŝtataj fervojoj intencas aĉeti novajn lukse konstruitajn pasaĝervagonojn el Hispanio, kiuj taŭgas por internacia trafiko kaj granda rapido (200 km/h).

Por eviti la lingvajn problemojn kaj miskomprenojn inter la kontraktantoj oni konsentis elekti kiel peran lingvon la germanan. Tiu ĉi lingvo estos uzata dum la pritraktadoj, okaze de projektado, konstruado kaj transpreno, de



1. Titolpaĝo de la trilingva terminaro

vagonoj. La bazan vortrezoron de terminaro donas LG-IV, kiu estis eldonita en 1988.

La kompilo de la terminaro okazis per komputilaj metodoj. En Generaldirekcio de Hungaraj Ŝtataj fervojoj ekde tri jaroj funkcias terminara programo, kiun oni povas apliki per helpo de komputiloj IBM. La fervojajn fakterminojn la programo enhavas en sep lingvoj, nome angle, germane, france, hispane, itale, hungare kaj esperante.

Rezulte de kunlaboro inter MÁV kaj UIC la terminara programo daŭre kreskas laŭ nombro kaj de fakesprimoj kaj de lingvoj. La redaktoro de la terminaro estas Mihály Zsolt, tiu kolego kiu donis gravan helpon por la hungara landa sekcio de IFEF eldoni pasintjare la Nacilingvan Vortaron.

Espereble ĉi tiu terminaro rezulte servos la negocon inter MÁV kaj la hispanaj entreprenoj.

dr. Halász József

állítható ülés * Neigelsitz <nm>
verstellbarer Sitz <nm> * asiento
<nm> reclinable
állítható és önműködő központ
(állomás) * Betriebssteuerzentrale
<nf> * puesto <nm> de mando y de
regulación
állítóműveltyű * Reglerhebel <nm>
Regler <nm> * palanca <nf> de
regulador
állítóműveltyű állása és a hozzá
tartozó kezelők együttese
(biztonsági berendezés) * Überprüfung
<nf> auf Übereinstimmung zwischen
Stellhebel und zugehöriger
Sicherungsanlage * comprobación
<nf> de concordancia
állítókár * Übertragungstange <nf>
zum Stellhebel; Umstellhebel <nm>
biela <nf> motora
állítókár * Umkehrhebel <nm>
Umstellhebel <nm> * Umsteuerhebel
<nm> * palanca <nf> de cambio de
marcha; palanca <nf> de inversión
de marcha
állítókár * Reglerhebel <nm> Regler
<nm> * palanca <nf> de regulador
állítókészülék fékoldásához
Umstellvorrichtung <nf> für den
Bremsesorgang;
Umstellvorrichtung <nf> für den
Lössvorgang * dispositivo <nm> para
cambiar el régimen del freno
állítóműveltyű * Schaltkasten
<nm>; Stellkasten <nm> * caja <nf>
de mando
állomány * Beschaffung <nf>
Beverrattung <nf>
aprovevisionamiento <nm> (acción)
állomás * Bahnhof <nm> * estación
<nf>

állomás kezelési költ
Abfertigungskosten <p>
Abfertigungskosten
állomás <nm> * pl. de est
állomás kiszolgálata
Abfertigung <nf> am B
entrega <nf> en la es
állomás konyvesbolt
Bahnhofsbuchhandlung
állomás <nf> de esta
állomás létesítmény
<nf> der Bahnhof
Bahnhofsanstalt <nf>
<nm> de las estaciones
állomás névjegyzék
Bahnhofsverzeichnis
<nf> de
állomás segédberendez
relación <nf> de esta
állomás ára * Bahnhof
relaj <nm> de servicio
állomás pénztár * Bah
<nf> * caja <nf> de e
állomás segédberendez
Nebenanlagen <nf> pl
* dependencias <nf> pl
estación
állomás terület fogl
Belegung <nf> von Gel
der Bahn * ocupación
terreno (en estación
állomás ügyelet
Aufsichtsbewerber <nm>
<nm> de estación; jef
állomás vágány * Bahn
<nm> * vía <nf> de estación
állomás vágányok fels
elvasztása
Bahnhofsgleisrennung
seccionamiento <nm> d
estación
állomásirányítól közp

2. Parto el la terminaro

Kasigo de veturprezo en trajno

Multnombraj stacioj aldonas jam de jaroj biletojn, kies indikojn presigas komputilo. La trajnakompanisto kontraŭe laboras kiel antaŭ jarcento. Kaze de poste enkasigenda veturprezo la trajnakompanisto bezonas ampleksan tarifmaterialon, kies indikojn li manskribas en kuponon. Iom pli facila estas la eldono de kuponoj el biletkajero.

Por plirapidigi tiun ofte temporaban proceduron, la germanaj fervojoj (DB kaj DR) ekzamenas depost 1990 la biletdonadon en trajno per komputilo. Prototipo de tia Mobila Terminalo (MT) ekzistas nun kaj estas prove uzata de kelkaj trajnakompanistoj. Tiu MT devas plenumi diversajn kriteriojn, ekzemple la sekvajn:

- ĉiuj 8000 tarifpunktoj de la DB/DR-fervojreto devas esti entenataj en elektrona registaro;
- ĉiuj fervojaj DB/DR-rabatoj estu aplikeblaj;
- la terminalo devas eldoni nefalsigeblajn biletojn kaj certigi kontreguladon surbaze de

registrataj datenoj;

- trajnakompanisto devas kunporti la MT senĝene kaj facile manipuli ĝin.

La MT pezas 1080 gramojn kaj mezuras 34 x 11,5 cm. Unu akumulatoro kapablas presigi maksimume 400 biletojn. Kiamaniere la trajnakompanisto manipulas ĝin? Li tuŝas per butonoj la komencajn literojn de la ekvojaĝa respektive destina stacioj krome la bileterion, ekzemple rabaton aŭ suplementon. MT bezonas nur kelkajn sekundojn por serĉi distancon kaj prezon. La kapacito de MT taŭgas ankaŭ por eventualaj postaj taskoj. Oni pensas pri elektrona legado de magnetstrioj, prilaborado de ĉipkartoj aŭ senvolorigo de biletoj. Jam nun la liveritaj datenoj de la uzataj MT-prototipoj estas transferataj al la centra komputilo por analizi la rezultojn pri kasigo de veturprezoj en certaj trajnoj.

Kompil. el "Blickpunkt Bahn 2/93" de Wilhelm Barnickel (D)

Turistoj, ekskursemuloj, ĉiuj bonhumuroloj, bonvolu legi!

Turismaj tagoj TUTA'93, kiuj ĉijare okazos jam 15an (jes, vi bone legas, jam dekkvinan) fojon, komenciĝos dimanĉon la 1an de aŭgusto 1993 kaj daŭros ĝis la 7a de aŭgusto. Organizas ilin anoj de E-klubo en nordslovakia urbo Žilina (Jilina) kunlabore kun la estraro de Fervojista sekcio ĉe Slovaka E-asocio.

Por la tuta semajno estas preparataj ne nur turismaj ekskursoj en grupoj A, B, C en Vrátna-Valo kaj Súlov-rokaro, ne nur tutaga busa ekskurso (ĉijare al groto en Demänová (Demenova)), ne nur riĉaj vesperaj programoj, sed por tiuj, kiuj jam sentas esti lacaj por turismaj ekskursoj, eĉ ni preparas grupon D – busajn ekskursojn kun allogaj celoj.

Nun ni fin-fine povis krei ankaŭ prezon de la aranĝaĵo – vi scias, ke en lasta tempo okazis en nia ekonomio multaj ŝanĝoj. La partoprenkotizo enhavas tranoktadon, ekskursojn, vesperajn programojn kaj organizaĵajn elspezojn. Oni povas elekti inter turisma ebleco en studenta hejmo aŭ hotelo, kie la ĉambroj enhavas necesejn kaj bankuvon aŭ duŝon. Krome

oni povas mendi manĝon: tiuj, kiuj loĝas en hotelo, manĝos tie, aliaj en restoracio proksima de la studenta hejmo. La partoprenkotizon malpliigitan je antaŭpago 50 DEM, kaj manĝon vi pagas surloke.

Memkompreneble, por allogi ankaŭ turistojn el iamaj socialismaj landoj, ni kredis por ili malpli altan prezon. Kaj male, por tiuj, kiuj ĝuos busajn tuttagajn ekskursojn, ni devis krei busan alpagon. Por instigi E-parolantojn lerni Esperanton ni postulas de ili lingvan alpagon. Se ili lernos nian lingvon, en venonta jaro ili ne plu devos ĝin pagi!

Ni estas esperantistoj, do ni esperas, ke tiujn ĉi prezojn ni ne devos plialtigi. Tamen ni devas lasi al ni la rajton plialtigi ilin en kazo de financaj ŝanĝoj en nia ŝtato. Pro tio ni ankaŭ donas la prezojn en germanaj markoj (DEM), kiu tamen estas pli stabila valuto ol ĉeĥoslovaka aŭ slovaka krono. Memkompreneble, tiuj, kiuj ne volos pagi en valuto, povos pagi en kronoj, ĉar la prezojn en DEM ni trakalkulos laŭ la valida kurzo surloke.

Partoprenkotizo – DEM

Eksterlandanoj loĝantaj en hotelo	260
Eksterlandanoj loĝantaj en studenta hejmo	160
Reformitaj landoj (BG, EUS, HR, PL, RO, SLO)	90
Anoj de SEA kaj ĈEA	75
Busa alpago por grupo D	50
Lingva alpago por E-neparolantoj	10

La antaŭpagon 50 DEM, kiu ne estas repag-ebla, bonvolu sendi al jena konto: ČSOB (Československá obchodná banka) Žilina, Ing. Magdaléna Feifířová, TOM 25/5, 010 01 ŽILINA, kontonumero 40934040. Se vi havas problemojn kun antaŭpago, bv. interkonsenti kun la organizantoj. Kiuj partoprenos la IFEF-kongreson en Cervia, povos antaŭpagi rekte tie ĉe mi.

Mi pensas, ke ĉion gravan vi jam scias, finlegante tiun ĉi inviton. Se ankoraŭ io ne estas klara, bonvolu demandi perletere. Vajn

demandojn kaj ĉefe viajn alĝilojn, en kiuj vi menciis vian nomon, adreson, naskiĝjaron, mendojn kaj aliajn petojn, bonvolu sendi al jena adreso: Magdaléna FEIFÍŘOVÁ, TOM 25/5, SQ-010 01 ŽILINA, Slovakio. Se vi preferas telefoni, jen la telefonnumero: +42/89/34485 vespere, ĝis 22a horo. Ni traktos ĉiujn venontajn alĝilojn, sed por plifaciligi al ni la laboron bonvolu sendi ilin ĝis la 15a de junio 1993.

Ni ĝojas ĝis revido kaj remarsado!

Divido de ČSD

Depeŝo de la centra direktoro de Ĉeĥoslovakaj Ŝtataj Fervojoj de 28.12. 1992 oficiale anoncis al ĉiuj unuoj kaj al ĉiuj fervojistoj, ke per la leĝo de Federacio Asembleo de 16.12. 1992 oni decidis pri malapero de la ŝtata organizo Ĉeĥoslovakaj Ŝtataj Fervojoj ČSD kun valideco je dato 31.12.1992. Sekve per la leĝo de Ĉeĥa Nacia Konsilantaro de 20.12. 1992 oni decidis kun valideco de 1.1.1993 pri fondo de ŝtata organizo "České dráhy" (Ĉeĥaj Fervojoj) ČD kun sidejo en Prago. Ĉeĥaj Fervojoj estas posteulo de la ŝtata organizo Ĉeĥoslovakaj Ŝtataj Fervojoj, de kiu transiras ĉiuj rajtoj kaj devoj el juraj rilatoj en amplekso starigita de la leĝo pri malapero de la ŝtata

organizo Ĉeĥoslovakaj Ŝtataj Fervojoj.

Sur la teritorio de Slovaka Respubliko aperis nova organizo "Železnice Slovenské Republiky" ŽSR (Fervojoj de Slovaka Respubliko). Veturilaro kaj alia havaĵo estis dividita inter ambaŭ ŝtataj fervojoj principe en proporcio 2 al 1.

Inter ambaŭ respublikoj oni fondis 20 landlimajn transirejojn. Sep el ili estas fervojaj: Čadca – Mosty u Jablunkova, Lúky pod Makytou – Horní Lideč, Horné Srnie – Vlársky průmysl, Myjava – Vrbovce, Holíč – Hodonín, Kúty – Lanžhot kaj Skalica – Sudoměřice.

–JT–

Seminario pri traspasejaj instalaĵoj.

En la tagoj 16a kaj 17a de marto 1993 okazis en Pardubice (CZ) seminario dediĉita al evoluo, nuntempa stato de produktado, ekspluatado kaj renovigo de traspasejaj instalaĵoj en Ĉeĥa Respubliko. La seminaron organizis Sciencteknika klubo ĉe Administracio por sekurizado kaj komunikado en Pardubice sub protekto de direktoro por aŭtomatigo kaj energiprovizado de Ĝenerala direkcio de Ĉeĥaj fervojoj Ing. Matejka.

La seminaron partoprenis 136 fakuloj pri sekurigaj instalaĵoj je traspasejoj de Ĉeĥa kaj Slovaka Respublikoj. Krom ili akceptis inviton prezenti siajn aktivadojn je ĉi tiu kampo ankaŭ eksterlandaj firmaoj: SIEMENS, SCHEIDT-BACHMAN kaj PINTSCH-BAMAG el Germanujo, ASEA BROWN BOVERI el Svedujo, ilia filinkompanio ABB-ZWUS el Pollando kaj reprezentanto de Trafikregion Nordjylland de Danaj Ŝtataj Fervojoj s-ro H.Hauge.

La riĉa programo konsistis el prelegoj prezentitaj en ĉeĥa, slovaka, germana, angla kaj pola lingvoj kaj en Esperanto. Ĝin uzis por sia prelego "Sekurizado de traspasejoj ĉe Danaj Ŝtataj Fervojoj" s-ro Hauge kun rekta traduko en la ĉeĥan lingvon.

Ĉiuj prelegoj troviĝas ankaŭ en seminaria libro eldonita okaze de la konferenco.

Dum la seminario okazis viglaj diskutoj pri la fakaj aferoj – teknikaj aŭ ekspluatadtemataj kaj eĉ pri uzo de Esperanto en la teknika areo. Kelkaj partoprenantoj aŭdis tie Esperanton unuan fojon kaj esprimis sian fortan surprizon pri ĝiaj eblecoj. La diskutado daŭris ankaŭ dum vespera neformala kunveno, kies fino estis ĝis frumatene.

Ladislav Kovař

Adresŝanĝo:

Nova adreso por korespondamiko de Ladislav Láni:

U cukrovaru 12, CZ-78371 OLOMOUC, Ĉeĥa Respubliko

Komuna kongreso

de la ĉeĥa kaj germana Esperanto-asocioj pentekoste 1993 en la ĉeĥa urbo Karlovy Vary.

Interesa kaj imitinda afero.

De niaj landaj asocioj

Oficiala fondiĝo de Ĉina Fervojista Esperanto-Asocio (ĈFEA)

En la 13a de marto okazis fond-kunveno de ĈFEA en Pekino. Ĝin ĉeestis fervojistaj esperantistoj de la urboj Huhhot, Tianjin, Pekino, Shenyang, Tonghua, Tangshan, Taiyuan kaj aliaj lokoj de Ĉinio. S-ro Zou Guoxiang, ĝenerala sekretario de Ĉina Esperanto-Ligo (ĈEL), solene malfermis la kunvenon kaj prezidis ĝin. S-ro Li Sen faris raporton pri agadoj de tiu-ĉi organizaĵo. ĈFEA, kiel registrita oficiale landa asocio, estas unu el la plej viglaj, aktivaj kaj influaj Esperanto-organizaĵoj en Ĉinio.

S-ro Li Sen estis elektita kiel ĝian prezidanton, s-roj Han Zuwu, Cheng Linjian kaj Liu Caisheng kiel ĝiajn vicprezidantojn. Respondeculo de "EL POPOLA ĈINIO" kaj RADIO PEKINO faris gratul-paroladon en la kunveno. Gratulajn leterojn kaj telegramojn sendis s-ro Chen Yuan, prezidanto de Ĉina Esperanto-

Ligo, kaj iuj Esperanto-asocioj de diversaj lokoj en Ĉinio.

La fondiĝo de Ĉina Fervojista Esperanto-Asocio (eks-Unuiĝo de Fervojistaj Esperanto-Grupoj) estas grava evento en la Esperantomovado de Ĉinio kaj tra la mondo. ĈFEA certe akcelos la disvastigon de la fakaj agadoj, faros pli bonan kunlaboron kun IFEF, laboros pli energie ol iam por Esperanto-movado de la fervoja fako.

HAN ZUWU, vicprezidanto de ĈFEA

IFEF tutkore gratulas al niaj ĉinaj kolegoj pro ĉi tiu evento, kiu espereble signifos eĉ pli da vigla agado, cele al plifortigo de la pozicio de Esperanto ĉe la fervojoj. (red)

SAEF (Svisio)

En Luzern la 13an de marto 1993 okazis la ĝenerala kunveno de SAEF - samtage kaj samloke kiel tiu de Svisa Esperanto-Societo (SES).

Ĉeestis 11 membroj kaj 3 gastoj, 5 personoj senkulpiĝis. Ĉiuj traktaĵoj estis speditive pri-traktitaj. La prezidanto de Svisa Esperanto-Societo, s-ro Gacond, kiu parte ĉeestis en nia kunveno, reliefigis niajn aktivecojn sur nacia kaj internacia kampoj.

La financa stato de SAEF estas sana. Pro denovaj plialtigoj ĉe PTT la afrankoj kaŭzas daŭre pli multekostan bultenon. 7 novaj membroj aliĝis en 1992 kaj 4 ekis (unu pro morto). La aktuala stato nun montras 113 membrojn entute.

Adressaĵo de Informejo/aliĝejo:

37a jarkunveno de GEFA en urbo Titisee (Nigra Arbaro) 08.-10.10.1993 kun vizito en Katedralo St.Blasien.

Informoj kaj aliĝo ĉe:
Hans-Jürgen Riehn, R.-Dehmel-Str.3,
D-W-6700 LUDWIGSHAFEN.

Ni funebras

La 18an de marto 1993 en Basel mortis nia kara kolego Hermann SCHMUTZ en sia 98a vivojaro.

Ofte oni povis renkonti lin en fervojistaj kongresoj, pli frue kune kun sia edzino Jeanne. Ambaŭ estis tre fervoraj esperantistoj. La ĉiam gajan amikon - same kiel lian ĉarman edzinon - ni ne forgesos.

SAEF-estraro

Mortis sinjorino Elizabeth Burgler

En la revuo "Met Pensioen" mi legis komunikilon de la sekco "Midden Limburg", ke mortis sinjorino Elizabeth Burgler-Jeszo. Kiu ankoraŭ memoras ŝin? Tamen ŝi meritas la dankon kaj respekton de nia fervojista Esperantomovado. Kiu estis ŝi?

Elizabeth Burgler-Jeszo estis la edzino, ĉeĥa-devena, de Daniel Burgler, fervojisto en Amsterdam. Ambaŭ geedzoj estis bonaj Esperantistoj (kompreneble ĉar estis esperantista geedziĝo!). En la 15a IFEF-kongreso en majo 1963 (Stoke-on-Trent) D.Burgler elektigis kiel redaktoro de "La Internacia Fervojisto". Sed en averta, sur la strato survoje al la stacidomo, li svenis kaj mortis. Tre kuraĝe la edzino transprenis la redaktoran taskon. Legu en "Historio" (IFEF 1909-1984) sur paĝo 38: "Poste lia edzino E.Burgler-Jeszo savis la situacion por la sekvintaj jaroj". Kaj tiel estis: ŝi tre lojale kaj kompetente plenumis tiun taskon ĝis la 20a IFEF-kongreso en la jaro 1968 en Varna. En tiu kongreso la nederlandaj estraranoj ekis.

Sinjorino Burgler translokiĝis al la provinco Limburg kaj ŝi forlasis la fervojistan Esperantomovadon. Tamen ni nun ankoraŭfoje pensas respektplene pri ŝi.

Wim van Leeuwen

Honoron al ia ĉiam bravaj kaj kuraĝaj virinoj, kiuj en kriza situacio scias transpreni la torĉon, kaj post plenumo de la tasko reiras en la anonimecon!

Red

Novaj poŝtkodoj en Germanio

Kun efiko de la unua de julio 1993 ne plu valoros en Germanio la ĝisnunaj kvarciferaj poŝtkodaj numeroj, al kiuj oni devis aldoni aŭ la literon O aŭ W.

La novaj kodoj havas kvin ciferojn, kaj oni ne plu aldonu iun alian literon ol nur la landan "D".

Jen sekvas la 4 novaj kodoj de la GEFA-estraranoj:

prez. Joachim Giessner, An der Nicolaischule 3, D-37412 Herzberg am Harz

vicpr. Otto Rösemann, Ringstr. 14 D, D-31698 Lindhorst

sekr. Hans-J. Riehn, Richard-Dehmel-Str.3 D-67061 Ludwigshafen (Rh)

ĝeneralaĵoj: Achim Meinel, Platz der Vereinten Nationen 31, D-10249 Berlin

Bv. noti la novajn kodnumerojn, sed ne uzu ilin antaŭ 1.7.!

Por interesuloj ni jen anoncas, ke Joachim Giessner nun havas faks-aparaton kun aŭtomata akcept-preteco kun numero +49-5521-7 33 13 (telefono kiel ĝis nun 5521-4586).

Fakdelegitoj de UEA

Laŭ la indekso pri fakdelegitoj en Jarlibro 1992 de UEA ekzistas 57 delegitoj pri fervojoj. Tio estas jam io, sed kolegoj - konsideru ĉu vi aŭ iu de vi konata estas potenciala kandidato por tia posteno.

Ju pli da fakdelegitoj ni povos starigi, des pli da atento ni ricevos de la Esperanto-publiko, kaj des pli da atento ricevos nia laboradanto, la fervojo. Ni devas ĉiam kaj ĉie manifestacii nian forton kaj niajn avantaĝojn. Do, ekagul!